

## INFORMACIJA

### O ZADUŽENJU KOD EVROPSKE BANKE ZA OBNOVU I RAZVOJ (EBRD) ZA REALIZACIJU PROJEKTA VODOVOD I KANALIZACIJU U SARAJEVU

Dana 02. septembra 2010. godine u Sarajevu su održani pregovori za zajam Evropske banke za obnovu i razvoj (EBRD) u iznosu od 30 mil. na kojim je usaglašen Zapisnik, te nacrt Ugovora o zajmu između Bosne i Hercegovine i EBRD-a, i nacrt Ugovora o podršci Projekta između Federacije Bosne i Hercegovine kantona Sarajevo i EBRD-a, kao i Projektni ugovor između Javnog preduzeća Vodovod i kanalizacija d.o.o. Sarajevo i EBRD-a.

U skladu sa održanim pregovorima, Skupština Kantona Sarajevo je na svojoj sjednici održanoj 21.11.2012. godine, donijela Odluku o prihvatanju zaduženja po Ugovoru o zajmu za Projekat vodovod i kanalizacija u Sarajevu.

Sredstva zajma će se putem odgovarajućeg Supsidijarnog sporazuma prenijeti na Federaciju BiH, pod identičnim uslovima pod kojima EBRD odobrava zajam Bosni i Hercegovini, a Federacija BiH će dalje sredstva zajma posebnim Podugovorom prenijeti na Kanton Sarajevo.

Osnovni cilj Projekta je pomoć Kantonalnom javnom komunalnom preduzeću Vodovod i kanalizacija d.o.o. Sarajevo u finansiranju modernizacije i zamjene vodovodne i kanalizacione mreže, a kako bi se umanjilo nezadovoljavajuće stanje u sektoru vodoopskrbe, unaprijedili uslovi života stanovništva na području Kantona Sarajevo.

Sredstva zajma EBRD odobrava pod slijedećim uslovima:

- iznos zajma.....30.000.000,00 EUR-a
- rok otplate.....15 godina
- grace period.....3 godine (uključen u rok otplate)
- kamatna stopa.....šestomjesečni EURIBOR + 1% marža na godišnjem nivou
- dospijeća.....polugodišnje u jednakim otplatama glavnice
- datum plaćanja glavnice i kamata.....30. mart i 30. septembar svake godine
- jednokratna provizija.....1% na iznos kredita.

S obzirom da je postojeća vodovodna i kanalizaciona mreža u Kantonu Sarajevo u izuzetno lošem stanju, primarni cilj Projekta je obnova i rekonstrukcija prioriternih komponenti vodovodne i kanalizacione mreže, vodovodni i kanalizacioni cjevovodi, mjerna i kontrolna oprema, snabdijevanje električnom energijom, pumpna postrojenja i hlorinacija.

Za impelmentaciju ovog Projekta u budžetu Federacije BiH nije potrebno osigurati dodatna sredstva za sufinansiranje.